

## Allannguutissatut siunnersuut

uunga

**Uunga siunnersuut:****Akilaraaruserinermik ingerlatsineq pillugu Inatsisartut inatsisaata  
allanngortinneqarneranik Inatsisartut inatsisaat**

Aappassaaneerneqarnissaanut Naalakkersuisunit saqqummiunneqartoq.

## § 1-imut

**1.** § 1, nr. 2 imatut oqaasertalerneqarpoq:

“**2.** § 9-p kingorna ilanngunneqassaaq:

” **§ 9 a.** Paasissutissanut § 69 b, nr. 1 naapertorlugu nalunaarutigineqartunut tunngatillugu, akileraartarnermullu ingerlatsiviup aningaasanik peqquserlunnikkut malunnarunnaarsaasarnermut oqartussanit pissarsiaanut, § 9 naapertorlugu nipangiussisussaataaneq aamma inummut imaluunniit inatsisit malillugit inuttut isigineqartumut, paasissutissani pineqartumut atuuppoq, tamatumani pineqartumut paasissutissat ingerlateqqinnissaat pillugu sulianik ingerlatsinermi paasissutissanillu inummut tunngasunut inatsisit naapertorlugit inatsisitigut pisussaaffeqarneq apeqqutaatinnagu atuuppoq.””

**2.** § 1, nr. 3-p ataani, § 27, imm. 7 siunnersuutigineqartoq, imatut oqaasertalerneqarpoq:

“ *Imm. 7.* Akilaraaruseriffiup malittarisassat Naalakkersuisunit aalajangerneqarsimasut naapertorlugit pissutsini immikkut ittuni, ingerlatseqatigiiffinnut peqatigiiffinnullu il. il. akilaraarutininik akiliisitsiniarnermi imm. 1-imi aamma imm 4-5-imi tapiissutitut akiliutinik ilasisoqannginnissaa, akuerisinnaavaa.”

**3.** § 1, nr. 5, imatut oqaasertalerneqarpoq:

“**5.** § 66-ip kingorna, ilanngunneqassaaq:

” **§ 66 a.** Akunermiliuttut akileraartartullu susassaqartut killeqarfiit akimorlugit aqqissuussinerit ilisimasatik, tigummisatik nakkutilliiffigisatilluunniit pillugit paasissutissanik akilaraaruseriffimmut nalunaaruteqartarnissaat pillugu malittarisassanik Naalakkersuisut aalajangersaasinnaapput. Tamatuma saniatigut akunermiliuttoq oqaaseqatigiit siulliit malillugit malittarisassat atuutsinneqartut malillugit nalunaaruteqartussaataaniarnani qinnuteqartoq tamanna pillugu akunermiliuttunut

akileraartartunulluunniit attuumassuteqartunut allanut nalunaaruteqartassasoq pillugu malittarisassanik Naalakkersuisut aalajangersaasinnaapput.

*Imm. 2.* Akileraartarnermut ingerlatsivik killeqarfiit akimorlugit aaqqissuussinermi, malittarisassat imm. 1 malillugu atulersinneqartut naapertorlugit nalunaarutigineqartumut qisuariangippat, imaluunniit akileraartarnermut ingerlatsivik qallunaanit, savalimmiormiormiut imaluunniit nunani allani oqartussanit paasissutissanik pissarsisimaguni, tamanna aaqqissuussinerup atortussaananik imaluunniit aaqqissuussinerup taassuma akileraartarnikkut suliarineqarsimaneranik akuersinermik tamanna nassataqanngilaq.””

**4.** § 1, nr. 6-ip ataani § 69 a siunnersuutigineqartoq imatut oqaasertalerneqarpoq:

” **§ 69 a.** Akileraaruseriffik qinnuteqartoqareerneratigut meeqqanut katissimallugulu aapparissamut akiliutit aalajangersarneqarnissaat allanngortinneqarnissaalluunniit pillugu suliat suliarineqarnissaanni atugassatut akileraartartoq pillugu aningaasaqarnikkut paasissutissanik nunani avannarlerni oqartussaasunut ingerlatitseqqissinnaavoq.”

§ 2-mut

**5.** Imm. 2 imatut oqaasertalerneqarpoq:

“ *Imm. 2.* Akileraaruserinermik ingerlatsineq pillugu inatsimmi § 66 a naapertorlugu aalajangersakkat atuutsinneqalersut, inatsimmi matumani § 1, nr. 5-imi oqaasertai malillugit killeqarfiit akimorlugit aaqqissuussinernut sunniuteqarsinnaapput, tamatumani iliuseq siulleq ulloq 29. oktober 2014-imi kingusinnerusukkulluunniit ingerlanneqareerluni.”

Siunnersuummut nassuiaatit

### **Nassuiaatit nalinginnaasut**

Inatsisip oqaasertaasa kalaallisoortanni oqaatsitigut kukkunerit aammalu kukkusumik innersuussineq ataaseq uparuarneqarput, taamaattumik allannguutissatut siunnersuummi inatsisip oqaasertaasa kalaallisoortaa qallunaatuualu imminnut naapertuunnissaannik qulakkeerinninnissaq siunertaalluni.

## **Allannguutissatut siunnersuummi aalajangersakkanut ataasiakkaanut nassuiaatit**

### *§ 1-imut*

Nr. 1-imut

”Inatsisit malillugit inuttut isigineqartumut” kalaallisut taaguut iluarsineqassasoq siunnersuutigineqarpoq.

Nr. 2-mut

Oqaaseq ” akuerisinnaavaa” § 27, imm. 7-ip kalaallisoortaani ikkunneqassasoq siunnersuutigineqarpoq.

Nr. 3-mut aamma 4-mut

§ 66 a aamma § 69 a-p kalaallisoortaanni oqaatsitigut kukkunerit annikinnerusut iluarsineqassasut siunnersuutigineqarpoq.

### *§ 2-mut*

Imm. 2-mut

Kalaallisoortaani § 1, nr. 5-imut innersuussut iluarsineqarpoq.